



**KAKHEL A**

**LENGPA**

**KHAT THILODIA KEIHI**

**KOL KAHIM?**

AGONGTOH  
WATSON GOODMAN

MANBEI — JOH LOU DING

## **KEI KOI KAHIM?**

**Eisempauvin eiho koi koi ihiu ahena, chule hiche thu hi atonsot THUA akimun; hia chun, “Ipi dia eikisemu,” “Ipi ihung hidoh-u,” “Hoilam ijot doh-u,” chule Ama huhhingna isanuva kona “Ipi ihung hi thei nah laiye” aume.**

**Pathen huhdohna thu hi mi ahelou aum nalaiye. Mi themkhat in asung thu themcha bou ahen, hijeh chun aholbe nahlai diu angaiye. Mi themkhat Pathen in ahuhhing louna dia pang aumin, ahinla mi themkhat Pathen kolchah cheh a uma huhhingna hea Jesu Christa a hia tonsot goulo dia ngah aume.**

**Eisempan Ama tahsa chungga asosah thilsoh chu keima Ihagao tonsot naa a dia lhingset ahi. Ama kanahsah moa ahile tonsot'a pannabei kahi ding; Ama kalah lut a aseu kangaileh Vannoiya tonsot Laltouna chu Ama mounu banga Ama toh chan kanei khom ding ahi.**

**—Watson Goodman (1920-2002)**

# **PATHENIN MIHEM ASEMNA AJEH PIPEN 1**

*Aman Tonsot Mounu Anei Ding Ahi*

**Isaiah 62:5b**

. . . jinei dingpa ajinei dingnu  
chunga akipa banga Na-Pathen  
chu nachunga kipah ding ahi.

**Matthew 25:1, 6**

Hiteng chule van gam chu tha-  
omei kikenamou inneipu lamto  
dinga potdoh nu-ngah som toh  
kitekah ding ahi. . .

*Mou Inneipu — Christa*

**John 3:29a**

Mou kichenpia chu mouchang  
ahi; mouchang jol akoma dinga  
athusei ja a chu ama gin a chu  
hapa kipahji ahi. . .

**2 Corinth 11:2**

Pathen tomlah a nachunguva  
katomlah ahi, nungah theng ba-  
nga Christa khut'a kapeh theina  
dinguva, nangho inneipu khat-  
seh Christa dinga katuhhol na-  
hiuve.

**Matthew 9:15**

Chuin Jesun amaho jah a,  
"Mou lang chun aloite aumpi lai  
sungsea aloite chu kingaise thei  
ngaiyu vem? Amavang mou lang  
chu akomuva kona akipui mang  
ni hung lhung ding ahi; chuteng  
chule an angol ding ahi.

## 2 HIJEH A HI PATHENIN AMA LIMA MIHEM ANASEM AHI

*Thilsem Anoinung Jep'in Ama  
Mounu Hitheina Aneipoi*  
Semtilbu 1:27

Hiti chun Pathenin Ama lim mong mongin mihem chu ahinsemin, Pathen lim tobang bangin amapa chu ahinsemtai, Pasalle numei asemdohtan ahi.

Ephesus 1:4

Ajeh chu aman vannoi bul phudoh masanga pat ama anga ngailutna le thenga chule nolna beihela ium theina dinguva eiho einalhendoh sau ahin.

*Pathena Chan Neikhom Thei*  
. . . hicheng vanga Pathen  
nun le khan chankhompi nahi-

na dingua ahi. — 2 Peter 1:4b . . . loupina hung kilang ding chankhompi. . . — 1 Peter 5:1b . . . Christa Jesu goulo khompiho. . . — Ephesus 3:5b vahacheng mithengte chan chankhompia loma eiho. . . — Colossae 1:12b . . . ajeh chu chutobanga phatchomna ga kisana kilah ho chu tahsan um le dei umtah ahive. — 1 Timothy 6:2b . . . Christa kikoppi ihiu ahitai. — Hebrews 3:14b . . . Lhagao Thengchanga ahitauvin. — Hebrews 6:4b . . . ama thenna chu ichan theina dinguva eigimboljiu abi. — Hebrews 12:10b

## KEIMA PATHEN CHA KHAT KAHl

3

Semtilbu 9:6b

. . . ajeh chu mihem hi Pathe-  
nin ama lim a anasem ahiye.

Solchahte 17:24a, 25b, 26a, 27-28

Vannoi leisetle asunga thil um  
jouse sema Pathen chu vanle lei  
Pakai ahin. . . amatah imajouse  
hinnale haina peale ijakai pejuh  
ahibouve; chule leiset chung  
jouse losoh a cheng dingin. . . a-  
mahon Pathen aholuva amai a-  
mayuva ijem tia amudoh theina  
dingun; ahinla ama chu eiho koi-  
machaa konin aum gamlapoi. I-  
jeh-inem itile eiho amaa hinga  
chatloh a, chule uma ihiuve; nan-  
gho lah a thuchih chomsun them-  
ho lah a koi koiham jengin jong,

'Eiho jong ama son ihiuve,' tin  
aseiyuve.

*Adam, Pathen Lima Kisema  
Chun Pathen Loupina Banga  
Loupina Athejal Ding Dol Anahi*

1 Lengte 8:11

Meilhang hung kaijeh chun  
thempuho jong houin kinbol  
dingin apang ngam tapouve; i-  
jeh-inem itileh Pakai loupina chu  
Pakai houin sung adimset jengtai.

Matthew 17:1a, 2

. . . Jesun. . . chuin ama amaho  
ang sungah amel akikhel'in; a-  
mayin nisa bangin asalvah-in,  
aponsil chengse chu khovah ban-  
gin avam leng jengin ahitai.

## 4 THENNA A KONIN CHONSETNA LEH MUTHIMA

**1 Peter 1:16**

'Keima kathen jeh hin nang ho thengun,' tin akisune.

**Rome 5:19**

Ajeh chu mi khat'in thupeh apallhah jeh a mi tamtah chonse kisosah ahitan; chutima chu mi khat'in thupeh anit jeh a chu mi tamtah chonpha kiso ding ahi.

**Rome 3:23**

Ajeh chu mi jouse hi chonse ahitai, Pathen loupina chu changlela ahiuve.

**Luke 13:27b**

. . . 'Keiman nang ho hoilam kon nahiu kahepoi; kakoma konin che mangun, nang ho chonset bolte ho,' ati ding ahi.

**Jeremiah 17:9**

Thil jouse lah a lungthim kiti hi joulhepna dimset ahin, Hijejeh a chu haset set'a sea ahitan. Hiche hekhen thei ding chu Koipen tah hiding ham?

**Semtilbu 6:5**

Chujouvin Pakaiyin leiset chungamihem gitlouna apunjala chule anikho khoa alung gel alungput agilou jengbou ahi chu amudoh tan.

**John 3:19**

Chule themmo achan nau chu hiche ahi, vannoiyah vah ahungin ahivangin achon nau phatlou jeh-in mihon vah sangin muthim adeijouvin ahi.

# TUA PATHEN TOH ITOBANG KIGUINEINA 5 INEI DIU HITAM?

*Phe Alhamang Chu  
Athenglou Ahi*

**Isaiah 64:6a**

Kabonchauvin miboh bep bep  
kahitauvin Chule kathildih bol  
chengseu jong von kisuboh abang  
gamtai . . . .

*Tonsot Thina Kachunga Achutai*  
**Rome 5:12**

Hiti chu ahin, mi khat jeh a  
vannoiya chonset lut, chule chon-  
set jeh a thina lut ahi; chutima  
chu mi jouse chonset jeh a thina  
chu mi jouse chung a lhungsoh  
ahitai.

*Pathena Konin Chonset In  
Eichomkhen Ui*

**Rome 7:23**

Ahivangin kalung lam danthu  
douva katibah chung a um, chon-  
set danthu, soh a eipui lutjia ka-  
tibah chung a hin danthu chom  
khat aum kamujin ahi.

**Isaiah 59:2a**

Amavang nathemmona cheng-  
seuvin nangho leh Na-Pathenu  
ki kah a kikhenna asemboh a . .

*Pathen Dia Lahthei Kahi*

**Rome 14:12**

Chuti ahi jeh a chu ibonchau-  
va Pathen henga eima chonchan  
chah ikisei dingu ahi.

*Phe Alhamangsa Kahin, Leingan,  
Hampa, Twihu Tobang Kahi*

**Isaiah 64:8**

Hijongleh O Pakai, nangma keiho Pa nahin, Keiho bellei bep kahiuvin, keiho beldena eidengpau nang nahi; Keiho kabonchauva Nangma khutsoh jeng kahiuve.

**1 Peter 1:24**

Ajeh chu: "Mihem jouse hampa tobang ahi, Aloupina jouseu jong hampapah tobang bep ahi. Hampa agop jin Apah jong apulji tai."

**Jacob 4:14**

Jinga ipi ahungso ding nang

hon nahepouve. Nahinkhou chu ipi ham? Twimei chomkhat akimua chujoule kimujita lou ahi, nang ho khuche twimei khu tobang nahiuve.

*Christaa Ken Thilouna Leh Hin  
Jingna Kanei Theiye*

**John 11:26**

"Chule koi hijongle ahinga keima eitahsan a chu itih hijongle thi lou ding ahi. Hiche hi natahsan em?" ati.

**1 John 5:11**

Chule hiche hettosahna chu hiche ahi, Pathenin eiho hin kemlou eipetauve, chule hiche hinna chu a-chapa a um ahi.



## LOUPINA LENG CHU KOI HAM? 7

1 Timothy 6:14b, 15b, 16

Jesu Christa hung kilah kahsen . . . leng ho leng le pakaiho Pakai . . . ama changseh bou chu thilouna neiya ahin, nailut theihoi hilou vah a chenga ahi; ama chu koiman mukha lou chule mu jong mu thei lou ahi, ama jenga chun choiat le tonsot thilbol thei thahat chu um jing hen. Amen.

Labu 24:7-10

Vo kelkot jouse naluu khangsangun; Vo khangluyia kisémsa kotpi ho kikhang sanguvin. Loupina lengpa chu Ahung lut theina dingin! Koi ham hiche loupina lengpa hi? Pakai tha nei tah

le hangtah, Galmuna thaneipen Pakai ahi. Vo kelkot jouse naluu khangsangun! Vo khangluyia kisémsa kotpi ho kikhang sanguvin! Loupina lengpa chu Ahung lut theina dingin! Hiche loupina lengpa hi koi ham? Thaneipen Pakai, ama hi loupina lengpa ahi!

*Hiche Lengpa Hi Vannoi Jouse  
Lengpa Hiding ahi*

Zechariah 14:9

Chutengleh leiset pumpi chunga Pakai hung leng chang ding ahi; hiche nikhoa hi Pakai jong khatseh hiya, amin jong khatseh hiding ahi.

## 8 JESU CHRISTA'N LENG AHINA APHONDOH

John 18:36, 37

Jesun adonbut'in, "Keima kagam hiche vannoi hi ahipoi; kagam hiche vannoi hi hile Juda ho khut'a eikipeh doh louna dinga kasoh ten asat dingu ahitan; tunla kagam hichea ahipoi." ati. Chuin Pilate'in. "Ahile nangma leng nahim?" atile; Jesun. "Leng kahi chu naseikhai. Thutah thu hettosah dinga hiche dinga hi hung penga, hiche dinga hi vannoiya hunga kahi. Thutah he chan chun ka-o angaiye," ati.

Mark 14:61, 62

Ahivangin aman donbut louhel'in thipbeh-in aumin ahi.

Thempu chungnung chun adong kit'in ajah a, "Nangma nun nom Chapa Christa chu nahim?" ati. Chuin aman, "Kahi, chule nang hon Mihem Chapa hi thilbol thei jet lama atoule van meilah a ahung namu dingu ahinalaiye," ati.

Matthew 25:31, 34

Mihem Chapa Vantilte jouse toh aloupinaa ahung tengtah le ama aloupina lal touna a tou ding ahi. . . Chutengle lengpa chun ajet lama umte ho jah a chu, "Hungun, ka-Pa phattheiboh chang ho, vannoi leiset kiphudoh ti-l'a pat'a nang ho dinga gotsa kiko'i gamsung hung lotauvin.

## JESU CHRISTA LENGGAM THUDOL

9

Hebrews 1:8

Chapa chung chang thua vang chun hiti hin aseiyé: “Vo Pathen, nalaltouna chu Tonsot tonsot geiya um jing jeng ahi; Chule chon-dihna tengdop chu Nagam tengdop ahi.

Daniel 4:37

Tun vang Nebuchadnezzar kiti-tipa keiman van gam lengpa chu kavahchoiyin, kachoi-anin nasa tah-in kajabol tai; ijeh-inem itileh anatoh jouse adih soh keiyin, a-lamlah jouse jong ajangsoh kei-ye . . . .

Matthew 18:3, 4

“Tahbeh a kaseipeh nahiuve, nang ho nakile heiyuva chapang

neocha ho toh nabah kit louvu le itinama jong le van gam nalut lou ding ahi. Hiche jeh a chu hiche chapang neocha banga kineosah chu van gama alenpenahi.

Thuphon 11:15b

. . . .“Vannoi gamvaipoh hi I-Pakaiyu le a-Christa a ahitai; Chule aman atonsot atonsot geiya Vai apoh ding ahi.”

Eikounau kinepna hi ipi ahi, mithengho lah a goulo ding lupina ahaoje chu ipi ahi, atahsana eiho dinga athahat athilbol thei chungnungje nahet theina dinguva, nalungmit'u vahsah a auma athahat athilbol theina dungjuiya. — Ephesus 1:18, 19

**John 17:2**

Nangman ama napeh ho jouse chu aboncha aman tonsot hin kemlou apeh dinga, nangman ama chu mi jouse chungga thuneina napeh ahi.

**1 Peter 3:22**

Ama vana akaltouvin Pathen jet lama aume; Vantil chengse le thuneina chule thil bol theina thahat jouse ama thu noiya uma ahi.

**Ephesus 1:20-23**

Aman Christaa abola, athiho lah-a kona akaithouva vanhoa ama jet lama atousah ahitai; vai-pipu hi, thuneina, thahat thilbol theina, vainei, chule min kisah

jouse chungga chungnungpen ahi, tu hiche vannoi leiset chung jenga hilouva, khonunga hung lhung dinga jong ahi; chule aman thil jouse ama thu noiya akengto noiya akoisoh ahi, chule Houbung dia thil jouse luchang hona apeh ahi, hichu ama tahsa ahia, ama dimset banga ijakaiya ijakai adimsah ahi, hichu nahetna dinguva taojia kahi.

**John 2:24, 25**

Ahivangin Jesun amaho chu angampipoi; ajeh chu aman mi jouse ahetsoh ahin; chule mi thudol min hetsah ding chu angaipoi; ijeh-inem itile mi lung sunga ipi aum aman ahetsoh kei ahi.

## ANGAHNA BEI GOU, THAHATNA, CHULE CHIHNA 11

**Thuphon 5:12b**

... "Akithatsa Kelngoinou chu Ijakai bol theina thahat, Hao, chih, thahat, choiat, loupi Pachat changa lom ahi,"

**Matthew 28:18**

Chuin Jesu ahenguva ahungin amaho chu ahouvin ajah uva, "Van a le leiya thuneina jouse keima eikipea ahitai."

**1 Corinth 1:24**

Amavang Judah hihen Greek hileh, akikouho ding vangin Christa chu Pathen hetna le Pathen chihna ahi.

**1 Corinth 8:6**

Eiho ding vangin thil jouse konna, eiho jong Amaa ihu. Pa

khatsehbou chu Pathen ahi; chule thil jouse konna chule eiho jong Aman konle, Ama vanga ihu Pakai Jesu Christa ahi.

**Thuphon 11:17**

"Vo Pakai Pathen Hatchungnung, Auma Aumsa, Nangma kathingvahui; Ajeh chu nangman nathuneina Chungnung chu nakilah a vai napoh ahitai."

Chutia chu alungu lhepbia lungmonga aumuva, ngailutnaa akihen gom theyuva, hetchenna dimset gouva chu ahaodoh theyuva Pathen thugil, Christa chu, ahetdoh theina dingun; Amaa chu chihna le hetna gou jouse kisola ahi. — Colossae 2:2, 3

Labu 72:8, 11

Lengpan twikhanglen monga pat alang khatTwikhanglen mong geiyin lengvai po hen lang, Lui-pi dunga pat leiset mong geiyin Lengvai po hen! . . . Ama angsun-ga leng jouse bohkhup soh kei hen, Namtin vaipi abonchan ama lhachan pangu hen!

Labu 2:2-4, 6-8

Leiset lengte atoukhom'ugin, Vaihom thuneite jong kihoutoh din akikhom'uve, Pakai le Pakai thaonupa Dou nan akihousom'ugin hitin aseiyui; "Elkan nau thih khaoho hi tumtan jengu hitin. Pohgih habsa eipohsah-u jong hi sep lhau hite," atiuve. Alaltouna

vana toupan anuisat'in, Pakaiyin amaho chu nuijat nan anetai. . .

"Keiman kalhendoh lengpa chu Kei dia lhang theng Ziona kapan-sahe," ati. Pakai thugahna chu keiman phongdoh inge: Aman kajah a, "Nang hi kachapa nahin, Keiman tuni nikhoa Kahin nahi. Kahenga thumin namtin vaipi hi gouva kalosah ding nahin; Van mong geiya leiset pumpi nalo ding ahi."

Jeremiah 10:7a, 10a

Vo namtin vaipi jouse lengpa, nangma kicha louding koi ham? . . . Pakai kiti vang chu Pathen dihtah ahin, Ama chu Pathen hingjing tonsot lengpa ahiye. . .

**Isaiah 42:8**

Pakai kiti chu keima kahin, hiche chu keima min ahiye; Kaloupina chu keiman koima dang kapeh lou ding, Keima eikivah-choina jong Milim kilhajol ho kachansah louhel ding ahi.

**Matthew 24:30b**

...chule chutengtah le vannot leiset phungtinin aom achup chup dingu ahi, chule vanlajol'a Mihen chapa thuneitah le loupi chung nung tah a meichunga ahung amu dingu ahi.

**Thuphon 4:11**

“Vo ka-Pakaiyu le ka-Pathenu, Nangma bou vahchoi le choiat, Chule thilbol thei thahat changa

lom nahi. Ajeh chu ima jouse nangma sem ahi. Chule nangma phatsah-a Hicheng chu uma chule kisema ahi,” atiji dingu ahi.

**1 Timothy 1:17**

Tun tonsot leng kem theilou, mu theilou, chule Pathen khatseh, ginna le ja na chule aloupina chu atonsot atonsot khangin um jing hen. Amen.

*Ama Loupina Chu Mounu  
Chutoh Chan Neikhom In*

**Rome 8:18**

Tulaiya ithohnau hi khonunga ichan dingu loupina hung kilang ding chutoh kikit hoithemin kangaitopoi.

## 14 THILSEMA LENGPA CHU ATIL'IN APANGE

Isaiah 9:7a

Avaipohna le chamna angahna beiya khangtou ding. . .

Isaiah 45:9a, 10-13a

“Ohe Asempa toh kinelpa chu ada ahi, . . . Ohe, mipa jah a ‘Ipi nahindoh ham?’ tipa chu ada ahi, Ahilouleh numei jah a ‘Ipi dinga so nat nahim?’ tipa chu ada ahi,” ati. Hitin asekiye Pakai, Israel Mithengpa, Israel Sempan; “Nanghon kachate chung chang thudol neidoh ngam diu ha, Ahilouleh kakhut te nia Kathilbol chung chang thudol neidoh ngam diu ham? Keiman leiset kasemin Achunga chun mihem kasemdoh-e; Van ponbuh son’a song

doh chu keima khut te ni ahin, Chule aloupina chengse jong hi kei thusah a um ahivu. Keiman Cyrus chu thil dih a katildoh tan, Chule alampi jouse kasemjang ding ahi”. . .

Daniel 7:14

Chule ama chu lengvai neina le loupina Chule lenggam aki-petai. Hijeh a chu mitin vaipi, namtin vaipia kon Paotin tanga min ama kin abol’uva ahou diu ahi; Alengvai neina chu tonsot geiya Lengvai neina hiding ahin. Itih jongleh beiti aneilou ding ahi; Alenggam jong chu mantih neilouva um a kisubeilou ding ahitai.



*Amun Le Athia Athodoh Ding  
Dol Kimasei*

**Matthew 20:18, 19**

“Veuvin, Jerusalem jonin iche-touvui; chule Mihem Chapa hi thempu pipuiho le danthu sun ho khut’a peh doh a um ding; chule amaho chun athina dinga themmo achansah’ dinga ahi; chule a-el el’a abol’uva, ajep’uva, thingpel’a khetbeh dinga chidang namdangte khut’a apehdoh dinga ahi; chule ni thum ni le ama kaithouva um ding ahi,” ati.

*Pathen Maiya Chonset Hi Gin  
Umtah Ahi Athoidamna Jong*

**1 Peter 3:18**

Ajeh chu Christan jong chon-

setna chengsepi jeh a chonphatah chun chonpha louho dinga eiho chengse hi Pathen kom eilhut theina dinguva khatvei hesoh genthei athoh gim ahi; ama chu tahsa a kithat, lhagaova hinga ahi.

**Galatia 1:3b, 4**

. . . i-Pakaiyu Jesu Christaa  
. . . Ama chu i-Pathenule iPau lunggot bangtah-in, tulai vannot phat louva kona hi eiho eihuhdohna dingun, eiho chonset manin Ama akipetan ahi.

**1 John 3:16a**

Aman eiho dinga ahinna apeh jeng ahin, hiche chu eihon ngailut ihetnau ahi. . .

## 16 THISAN MAN LUTAH — HUHHINGPU MAN LUTAH

**Ephesus 2:13**

Tu vangin masanga nagamlat vangun Christa Jesua naum jeh uva Christa thisan vanga chu anaiya nahitauve.

**Hebrews 10:19, 20a**

Hichejeh. . . Jesun pondal ajotpaiya atahsa puma hinna lam thah eisempeh uva chu. Jesu thisan vanga Mun thenga lut ngamna ineiyu abin.

**Colossae 1:19b**

. . . Athingpel thisana chu chamna asema.

**Thuphon 1:5b**

. . . Eiho eingailua athisana ichonset chengseuva kona eisut lhama.

**1 Peter 2:6b, 7a**

. . . “Veuvin Zion’ah inning songpi pen. Lhentum manlu tah chu akidoi: Atahsana chu itinama jong le Jachatna a chulou ding ahi.” tin. Hichu atahsana nang ho dinga man lutah ahi. . .

**2 Timothy 3:15**

Chule hubhinga umna dinga nachihisah thei Pathen lekhabu theng chu nachapan laiya pat’a nahin hetsa peh abitai.

*Jinei Dingpa Chun Mounu Ahole*

**Luke 19:10**

“Ijeh-inem itile amangsa chu holdoh a hubhing dinga Mihem chapa hung ahi,” ati.

**EILHATDOHNA DIN CHRISTA'N THI NINA 17**  
**LEH DAMUN AJOUTAI**

*Tonsot Thina Chu Keiya Anahi*  
**Ezekiel 18:4b**

. . . ahinkhoa chonset bolpa  
vang chu thitei ding ahi.

**Rome 5:12**

Hiti chu ahin, mi khat jeh a  
vannoiya chonset lut, chule chon-  
set jeh a thina lut ahi; chuti-  
ma chu mi jouse chonset jeh a  
thina chu mi jouse chung a lhung-  
soh ahitai.

**Rome 6:23a**

Ijeh ham itile chonset man  
thina ahi. . .

**2 Timothy 1:8-10**

Hijeh chun i-Pakaiyu thu het-  
tohsah thulam dol le asohchang

keima chung chang thudola jong  
jahcha hih hel'in; ahin Pathen  
thilbol thei thahat dungjuiyin Ki-  
pana Thupha jal'a thon hahsa  
hi neithoh pin; amatah chun ei-  
huhhingu ahi, chule kouna thenga  
eikouvu ahi; eiho natoh dung-  
juiya ahipoi, ama lung got le a-  
milungset dungjuiya bou ahi; hi-  
che lungsetna chu tonsot tonsot  
masang peh a Christa Jesua eiho  
einapehsau ahi; ahin tua vang  
eihuhhinga Christa Jesu hung ki-  
lah a kona kilangdoh ahitai, a-  
man thina asu beiyin Kipana  
Thupha a hinna le thilouna chu  
vah a ahinpoh ahi.

**18 ALUNGTHIM PUMPIA NGAICHA HO DIN  
LENGPAN SOCHATNA**

Chule ahingho chu amaho dinga hing hitalouva, athi kheluva thia thoukit-Pa ding joh-a hing ahi theina dinguva, mi jouse thi khela thia ahi. — 2 Corinth 5:15

1 Corinth 15:3a

Ajeh chu amasapena Pathen lekhabu dungjuiya eiho chonset jala Christa thia ahitai . . .

Solchahte 20:28a

Hijeh chun Pathenin athisana achohsa Houbung. . .

2 Peter 3:9

Mi khattouvin gei sang asah chu Pakai athutep lamdol'a gei-sang ahipoi, koima amangthah um louva mi jousen lung ahei-

manna dinga angaitoa, nang ho jal'a kho-ngai sot ahibouve.

John 10:11

Keima hi kelngoi chingpha kahi. Kelngoi chingpha chun kelngoi ho dingin ahinna apejie.

Solchahte 10:43

“Ama min vanga ama tahsan chan chu achonset subbeiya um ding ahi, tia ama thudol chu themgaoho jousen ahettohsah sohkeiyu ahi,” ati.

Jeremiah 29:13

Chule nangma khankho ding gelkhoh la aumpon, Namaha a nu ding loula aum hih-in, nangdin damna aumpoi.

## **PATHEN LEH CHONSET KIKAH A KIDOUNA 19**

**Labu 45:6, 7a**

Pathenin nasempeh laltouna tonsot geiyin akidon; Naleng tenggol jong misucham tenggol ahi. Nangin adih na-ngailun gitlouna nahoi. . .

**1 Corinth 6:9a**

Ole michonse hon Pathen gam alo lou dingu ahi, ti hi nahet lou heluham?. . .

**Rome 8:5-9**

Ajeh iham itile tahsaphe lam dana chonseho chun tahsaphe lam thudol agelun; Lhagao lam dana chonho chun Lhagao lam thudolbou agelun ahi. Tahsa lam lunggel chu thina ahin. Lhagao

lam lunggel chu hinna le lungmonna ahi. Ajeh chu tahsa lam lunggel chu Pathen douna ahin. Pathen danthu noiya ahipoi; hi jong ahi theipoi. Chule tahsa lama chonho chun Pathen alunglhai thei pouve. Pathen Lhagao nasunguva achen vangle, tahsa lama chon hilouva Lhagao lama chon nahiu ahi. Christa Lhagao neilou vang chu Christaa ahipoi.

**Jacob 4:4**

Vo numei jong ho, vannoi toh kihouthei hi Pathentoh kigalna ahi hi helou nahiuvem? Hijeh a chu koi hile vannoi toh kihouthei goa chu Pathen gal'a kisma ahi.

## 20 I-KILO LE LENGPAN IDEI DING HAM

Thuchih Bu 28:13

Koi hileh asuh khelna selmanga chu Khangtou louhel ding, Amavang asuh khel jouse phongdoh a Donlouva koipan hepina akimu ding ahi.

1 John 4:16

Pathenin eihoa ngailut anei hi eihon iheuve chule itahsanu ahi-tai. Pathen chu ngailut ahi; chule ngailut na a uma chu Pathena uma ahi, chule Pathen ama a chu umjia ahi.

John 1:12a

Ahivangin aman anasanga ama mina tahsan chan chu Pathen chate ahi theina dingu thu apetai. . .

Solchahte 8:36, 37a

Chuti chun ache che lhonle twi umna mun khat agei lhonin: chuin nukiso chun, "Ven, hikoma twi aume; baptize kachanmona ding ipi uman," ati. Chuin Philip'in. "Nangman nalung pumpia natahsanle chang theyinate, ati.

1 Corinth 2:5

Kathule kathu lhangsap chihnaa lung jollhah themna hilouva, Lhagao Thengle athabatnabou ahi ti phottohna aumin ahi.

John 8:31

Hijeh chun Jesun Juda mi atahsan ho jah a chun, "Nang ho kathua hi naum jom jinguva ahile kaseijui tabbeh nahiuve."

# SOCHATNA HI CHRISTA TOH KIGUINEINA 21 CHULE KILOIKHOMNA HINGJING CHU

**Ephesus 3:19**

Hetphah hoi hilou Christa ngailutna chu nahet theiyuva, Pathen chamkimna jousea nangho nachamkim theina dinga ahi, kati.

**2 Timothy 1:12**

Hijeh a chu hesoh genthei hichengpi hi kathoh ahi; ahinla kajahchapoi; ajeh chu katahsan chu keiman kahei; chule avop dinga akhut'a kapehdoh chengse chu chuche nikhoa dinga chu vop pha a hongbit thei ahi, ti katahsan kichene.

**John 10:26-28**

Ahivangin nang hon natahsan pouve, ajeh chu nang ho kakeln-

goi lah a nahipouve. Keima keln-goiho vangin ka-o aheuve, keiman jong amaho kahei, chule amahon kaung eijuijuve. Chule keiman amaho chu tonsot hin kemlou kapeji; chutia chu amaho itih chan a mangthah lou ding ahive; chujongle koiman kakhut'a kona amaho chu eilahpeh lou ding ahi.

**1 Peter 4:19**

Chuti ahijeh chun Pathen lunglam dol'a hesoh genthei thohgim ho chun thilpha bol bol'u hen, ama ama lhagao cheh tahsan umtah eisempau khut'ah kikhumu hen.

1 John 5:5

Jesu chu Pathen Chapa ahi, tia tahsan kala vannoi jouva koiham?

John 1:13

Chute ho chu thisan le tahsaphe lunglam le mihem lunglama kona peng hilouvin Pathen hin ahibouvui.

John 8:36

Hijeh a chu Chapa chun lhadoh leu chun ongthol tahbeh ding nahiuve.

Rome 6:18, 22

Chule chonset'a kona kichoidoh-a chonphat soh nahiu ahitai. Hiche jeh chun Pathen thangvahin um hen. . . Tu vangin chon-

set'a kona onga Pathen soh nahitah jeh-un, thenna lama ga naneitauve, chule aleh chu tonsot hin kemlou ahi.

John 8:32

“Chule thutah chu heuvin natin, thutah chun nalhadoh dingu ahi,” ati.

Galatia 5:1

Soh ibi louna dinguva Christan eilhatdoh-u abitai; chuti ahi jeh chun dingdet jingun, soh namkoljona chun kihen-oh kit hih-un.

Solchahte 22:15

Ijeh-inem itile nangman namule najah thua chu mi jouse hettosah-a napan ding ahi.



## PENG KIT TA! TUA KEI KOI KAHIM? 23

1 Corinth 6:9-11

Ole michonse hon Pathen gam alo lou dingu ahi, ti hi nahet lou heluham? Nangho lheplhah-in um bih-un; mi-jong, thilha hou, mijigem, mihuh, palepa kikoi, gucha, neipap kilose, jukham, mihanse, minambol; hiteho chun Pathen gam alo lou hel dingu ahi. Nangho abang hiti chu nahiuv-in, ahivangin Pakai Jesu Christa minle Pathen Lhagaova kisil ngim nahitauvin, akisuthenga them changa nahitauve.

Thuphon 1:5b, 6

. . . Eiho eingailua athisana ichonset chengseuva kona eisut lhama, chule avaipohna gam mi

le a-Pathen le a-Pa thempua eise-m'uva chu, loupina le vaipoh thuneina atonsot atonsot geiyin ama a hi jing hen. Amen.

1 Corinth 6:2a

Ahiloule mithengten vannoi thu atan dingu hi nahet lou mon-gu ham? . . .

Isaiah 62:3

Pakai khuf'a nangma lalluk-huh melhoitah nahi ding.

*Choisanga Um Panmun*

John 17:21a

Amaho chu pumkhat ahina dinguva, Pa, keima nangma sol kahi hi vannoi miten atahsan thei-na dinguva nangma keiya nauma keima nanga kaum banga hi . . .

## 24 PATHEN TOH KILOIKHOM DIA KISEMSA

Labu 145:18

Pakai chu ahenga taote koma anai jingin, Atah tah a taote henga anai jinge.

2 Corinth 6:16

Chule Pathen intheng le mili-mho kilolna ipi umam? Ijeh-inem itile eiho Pathen hing intheng ihuive; chutichun Pathenin jong ati, "Keima amaho lah-a kache-na chule kavale ding ahi; Chule Keima amaho Pathen kahi ding, Amaho kamite hi ding." tin.

1 Peter 4:13

Nang ho Christa hesoh gen-thei thoh khompia nahiu bangtah chun kipah jouvin; chutia chu aloupina hung kilah teng le lung

thanop toh goma nakipa theina dingun.

. . . chule keihotoh kiloi hi Pa toh chule a-Chapa Jesu Christa toh kiloina ahi. — 1 John 1:3b

Isaiah 43:2

Nangin twipi lah najot teng-leh keiman nalhon ping ting, Vading ho napal teng jongleh nachup lou ding ahi; Nangman meikong lah napal teng leh Nakahvam den lou ding; Meikong deujejun nangma Naleogep den loulhel ding ahiye.

John 17:23a

Keima amahoa chule nangma keiya nauma, amaho pumkhat ahiu, achamkimna dingun . . .

# CHRISTA LEH TAHSAN TAHBEH HO KIKAH 25 A UM KIGUINEINA

**John 14:20**

Hiche ni chule keima pa a kaum, nang ho keiya naumu, chule keima nang hoa kaum hi nahet dinguh ahi.

*Tilna Nukhahpen Chu Eiho  
Kin Masapen Ahi*

**Thuphon 22:17a**

Lhagao le mouvin. "Hungin."

**Matthew 28:19, 20**

"Hichejeh chun nang ho cheuvin, namtin a mi jouse seijuiyin gasemun, a-Pa, a-Cha, chule Lhagao Theng min'ah amaho chu Baptize gabol'un, chule keiman nang ho kapeh thu jouse hi aboncha anit dingugin gahil'un; chule

veuvin, vannot leiset kichai ni geiyin keiman nang ho kaumpi jing nauve," ati.

*Mithengte Dihna Chu Sunga Um  
Christa Dihna Ahi*

**Colossae 1:27**

Chidang namdang ho lah a chuche thuguh gou loupi chu ipiham ti chu Pathenin mithengte hetsah dinga lung angaito ahitai; hiche gou loupi chu nanghoa um Christa chu ahi, Ama chu kinepna loupi ahi.

**Rome 10:4**

Christa chu atahsan jouse dinga, chonphatna amu theina dinguva, danthu chaina ahi.

## 26 HITOBANG HEPINA, HITOBANG LUNGSETNA, CHULE HITOBANG NGAILUTNA

Hebrews 4:16

Hichejeh chun hepina ichan theina dingule hu ingai komuva huna lungsetna imu theina dingun, hakattah-in lungsetna laltouna chu naiyu hite.

Ephesus 2:4-7

Ahivangin mihepi khotona hatotah Pathenin ngailutna lentah-a eingailut'u ahi. Hiche jeh a chu themmoa ithi laitah uva Christa toh thakhat'a einahinsah-u ahitai; lungsetna vanga huhhinga umna naneiyu ahitai; chule Christa Jesu vanga eihepiu hi khonunga phat hung lhung dinga chu amilungset hao chungnungje

phongdoh dinga, hichena dinga chu Christa Jesu vanga Amatoth thakhat'a eikaithouvu ahitai, chule vanmunhoa eitousah-u ahitai.

1 Peter 5:10

Chule lungsetna jouse Pathen tonsot tonsot geiya um aloupina a dinga Christa a nakoupautah chun chomkhat nathohgim jou tengu le nasemphat chamkimuva, naphudet soh keiyuva, nahatsah dingu ahi.

Rome 3:24

Christa Jesua kilhatdohna aum jeh-a Pathen lungset vanga chonphat moh chanbo ahive.

**Galatia 4:4, 5**

Ahivangin phat albintah-in, danthu noiya umho lhatdoh dingle eiho chapa lamthu ihi theina dingun, numei sunga soh, danthu noiya penga a-Chapa chu Pathenin ahinsoltan ahi.

**1 John 3:1a**

Veuvin, Pan eingailutjeu hi itobang hitam! Pathen chate eisah tauve. . .

*Pathen Gou-lo Ho*

**Galatia 4:6, 7**

Chule nangho chate nahiu jeh a chu Pathenin Amaa kona a-Chapa Lhagao chu ilung sunguva ahinsola Ama chun, Abba, Pa, tia akou ahi. Hiche jeh a chu

nangma soh hita louva, chapa nabi le, Pathen vanga goulo ding jong nahi.

**Thuphon 21:7**

Ajou chanin hicheng hi alo ding ahi; keima a-Pathen hing ting, ama kachapa hi ding ahi.

**Rome 8:17**

Chule chate ihi jouseuva gou lo ding ihiuve. Pathen gou lo ding, chule Christa toh lo khom ding, ihiuve, amatoh choiat'ium khom theina dinguva amatoh thoh khoma ihiule.

Chule nangho Christaa nahiu le Abraham son nahiuve, thutep bangtah-a chu gou lo ding nahiuve. — Galatia 3:29

## ACHATE AMA LIM BANG AHINA DIU PATHENIN ANAGELSA AHI

Ahin Pathen ngailuho chengse, Ama lunggot lam doltah a kikouho ding vang chun, ijakaiya a- phatna ding atong khom e, ti chu iheuve. Ijeh ham itile sopihon tamtah lah a Pathen Chapa chu apeng masapen ahina dinga. Pathenin ahēt masahho chu a- Chapa lim banga agot masahsa ahitai. — Rome 8:28, 29

*Vannoi Leiset Losoh In Kipana  
Thupha Phong Jalin*

John 20:21

Hijeh chun Jesun ajah uva, “Nachunguvah lung mon um hen, Pan keima eisol banga keiman nang ho kasol nahiueve,” ati.

*Christa Banga Jen Hin*

Luke 22:27b

... Ahinla keima nang ho lah a lhache le bangin kaume.

*Ngaidamna Neiyin*

Luke 23:34a

Chuin Jesun, “Pah, amaho hi ngaidamin; Ijeh-inem itile amahon abol’u hi ahēpouve,” ati. . .

*Christa Lungset Naa Chun*

Vahlen

John 15:9

Pan keima eingailut bang banga keiman jong nang ho ka-ngailut nahiueve, ka-ngailut a hin um jingun.

# KILOM TAH A VA LENA HIDING AHI 29

1 Thessalonica 2:12

Apan achate ahil banga keihon jong nangho amichang kima thu kahiluva, katilkhou jiuva chule kahettoh sah jiu nahiuve, hichu nanghon naheuve.

Koi hile Christa thuhil'a um louva akalvala chona chu Pathen neilou ahi . . . — 2 John 9

*Christa'n Amaa Kona Kijoldoh Theilou Mounu Anei Ding Ahi*

Jacob 1:12

Lhepna thoh ham hama chu anun nom ahi; ajeh chu lhep patepna chu ajoa them achan jou le Pakaiyin ama ngailu ho peh dinga athutepsa hinna lal lukhuh chu apeh ding ahi.

Luke 6:47, 48

Koi hijongle kahenga hun-ga chule kathusei ngaiya bol'a chu ama chu koi tobang ham keiman nang ho vetsah unge. Ama chu mi in sa a thuh tah-a lei laiya chule abul song chungga phut tobang ahi; chuin twisang alet phat'in chule luidung soh-lu in chu hasuhin asun ahile, gun-tah a kisa ahijeh chun asulhu joutapon ahi.

Titus 2:13a

Chule kinepna thanop umtah chule Pathen len chungnung le eihuhhinguva Jesu Christa lou-pina hung kilah dinga chu kat jinga ium dingu ahi chu, eihil'u ahitai.

Ephesus 2:8-10

Lungset mana tahsan vanga huhbinga uma nahitauve; hichu nanghoa kon ahipoi, Pathen thilpejhoh ahibouve; koimacha kison thei louna dinga, hichu thilbol vanga hilou ahi. Ajeh chu eiho Ama khutsoh ihuive; chule ichonphatna dinguva, masanga pat'a Pathenin agotsa chuche chonphatna dinga chu Christa Jesua kisema ihuive.

Ephesus 3:20, 21

Chuti henlang thahat thilbol thei eihoa natongjia chun athahat athilbol theina dungjuiya, ithumu le ilung ngaito jouseu sanga nasajoa abol theina dingin,

houbunga le Christa Jesua atonsot atonsot'in akhang akhangin loupina um jinghen. Amen.

*Ama A Chamkimna Le Bukimna  
Nei Ding*

Ephesus 4:13

Eiho Pathen Chapa thudola ginchat thakhat ihuiva hetna ineyuva, mi khan kilhit ihuiva, Christa pilhin dungchan iphah masang seuva dinga ahi.

Colossae 2:9, 10

Ajeh chu hichea chu Pathen hina jouse chamkimna tahsa banga cheng ahi; chule nangho hichea chu kisuchamkima nahuive, Ama chu piputle thuneina jouse luchang ahi.



## LENGPA MOUNU MIHO LAH A KEIJONG KHAT KAH 31

*Vantil Simsenlouvin Ahou-Pa  
Chun Idia Adou Jing Mihem  
Chunga Ngailutna Anei  
Jing Ham?*

Abin hiche apeng masapen chu vannoi leiset'a ahinpui kit ding tenga ding chun, "Pathen Vantilte jousen ama chu chibai boh hen," ati. —Hebrews 1:6

**Thuchih Bu 8:31b**

. . .mihem chate lah a kathanom jinge.

**Rome 7:4b**

. . . Pathen lama iga theina dingule achom khat, athi lah-a kona thudohpaa nahi theina dinguva, Christa tahsa vanga danthu lama athisaa um nahitauve.

**Rome 12:5**

Hibang chun eiho jong tamtah ihiuvin, Christaa ti khat ihiuve; khat chu khat tibah ihi cheh-un ahi.

*Mounu'n Amaa Konin Hinna  
Aneiye*

**1 John 5:12**

Chapa chu neiyen hinna chu anei ahitai; chule Pathen Chapa neilou chun hinna chu anei lou ahi.

*Mounu Chu Lungset Lhingset  
Ding*

**Rome 8:32**

A-Chapa khen louhela eiho jouse dinga pedoh jengpa chun eiho lungset mana ama chutoh thakhat'a ijakai eipeh khom lou dinguham?

## 32 LALTOUNA CHAN NEIKHOM! KOITOH, KEI?

*Alaltouna Chu Mounu  
Chutoh Achankhompi*

**Thuphon 3:21**

“Keiman kajoa ka-Pa koma laltouna a katou banga hi ajouva chu kakoma kalaltouna a katousah ding ahi,” ati.

*Lengpa Khopi Chule Mounu*

**Thuphon 22:14**

Hinthing chu lo theina ding le kotpia lut'a khopi sunga lut theina dinga, avon kisop theng ho chu anun nom ahiuve.

**Thuphon 3:12a**

Ajouva chu ka-Pathen houin kona chu potdohta louhel ding kona chu potdohta louhel ding ahi; chule achunga ka-Pathen

min, chule ka-Pathen khopi Jerusalem khopi thah, van a kona ka-pathen koma kona hung kumlha ding. . .

**Thuphon 21:2**

Chule ainneipu henga dinga kijema kigosadem mounu banga khopi theng, Jerusalem thah chu, Pathen kom van a kona ahung kumlhah kamun ahi.

**Hebrews 11:16**

Ahin tun amahon chuche sangaga phajo nomjo khat atup'u ahin, hichu van gam ahi. Hiche jeh a chu amaho Pathen tia kisei ding chu Pathen kijapi lou ahi; ajeh inham itile amaho dinga chu khopi khat gotsa akoi ahi.

**Luke 16:11**

**Chondih louna sum chungu bon tahsan naum louvu le sum tah kon nangan seuva nachinsah dingu ham?**

**2 Corinth 8:9**

**Ajeh chu Ama vaichat vanga nangho nahaodoh theina dinguva, ahaonasaa nangho jala vaicha jenga, hiche Pakai Jesu Christa lungset chu nanghon naheuve.**

**Jacob 2:5**

**Kasopi ngaite ho, ngaiphauvin, vannoi leiset'a mivaicha ho chu Pathenin tahsanna a hao ding le ama ngailu ho peh dinga atepsa gam chu lo dinga alhendoh hilou ham?**

**Thuphon 2:9a**

**“Keiman nagenthei nahesoh chule navaichat kahenai, ahin nangma nahaonai”. . .**

*Leiset Haonaa Um Gin Umtah*

**1 Timothy 6:17-19**

**Tu hinkhoa vannoi leiset thil'a haoho chu ahoitho louna dingun hilchahin, kichetna bei suma kingai louvin, thil jouse imanchah dinga eipeuva Pathen joh a kingaiyu hen; amahon thilpha bol'u hen, hom ding jong phal'u hen, mi to nan jong thanomu hen. Hinna tahbeh chu atuh chah theina dingun khonung hinkhoa dinga bulpha neiya akikhol theina dingun, til'in hilphan.**

## 34 HAONA TAHBEH CHU KEI DIA IPI HAM

**Philippi 3:21**

Aman athilbol theinaa ijakai athua anunsah thei ahi, hiche dungjuiya chu eiho tahsa manmo hi akhela ama tahsa loupitah lima chu aumsah ding ahi.

**Colossae 1:12, 13**

Vah-a cheng mithengte chan chankhompia loma eiho eisema Pa chu thangvah jingun; ama chun muthim thahat thuneinaa kona eihuhdoh-u ahi, chule a-Chapa ngailut gam mi eisou ahi.

**Solchahte 20:32**

Chule nangho sadoh-a khandousah theiya, chule mi akisu-thengho lah-a nangho gou cha-

nsah theiya, Pathenle alungset-na thua kakhumu nahiue.

**Colossae 3:4**

Ihinnau Christa ahung kilah tengle, amatoth thakhat tah-a nangho jong loupitah-a kilangdoh ding nahiue.

**Ephesus 3:6, 8**

Tua asolchah thengho le a-themgaoho henga Lhagaova kona akiphondoh banga hi, malaiya mihem chate henga chu anaki-hetsah lou ahi. . . I-Pakaiyu Christa Jesu Pathenin tonsot'a dinga angaitoa aphudet chu, chuche dungjuiya Pathen chihna jatichom chomin.

**Labu 40:16**

Amavang nangma holte chu Nachunga kipah thanom jingu hen; Namihuhhingna ngaichate chun, "Pakai bou aloupi," tin sei sei jengu hen!

**Labu 32:11**

Vo midih ho Pakaiya kipah thanom'ugin, Milungdih jousen kipana kholhang sam'ugin!

**Philippi 4:4**

Nangho Pakaiyah kipah thanom jingun; ti kitleu vinge, kipah thanom jingun.

**2 Corinth 4:17**

Ijeh-inem itile chomkhat jengcha dinga kathohjiu hesoh gen-theina jangkhai hin tonsot kem-

lou loupina chu hasema eisempeh be jing jengu abi.

**Zechariah 9:9a**

Vo Zion chanu, hachangpan kipah thanomin! Jerusalem chanu, kho-lhang sam jengin!

**Luke 10:20**

"Ahivangin lhagao ho nathu'va anun jeh chun kipah louvin, naminu van a akisut jeh chun kipah-un," ati.

**Labu 5:11**

Amavang nang lima kisel miho vang abonchan Kipa la sahsah sah jengin lang; Nang vanga choisanga aum theina diuvin Namin ngailu jouse panpin, huh jingin.

## 36 AHEPINA HI AIMATIH A DIA NASAN DA DING HAM?

Hebrews 12:25

Chingtheyyun, thuseipa chu jopda khauvin nate. Ajeh chu leisat chungu thupepa jop loubon asochat louva ahile, vana kona van thupepa a kon chun kihei mangleu hen, sohcha louhel ding ihuive, ti hi gamchengin akichenin ahi.

Luke 13:24, 25

Chuin aman amaho jah a, "Kot jim a lut ding kichu'vin, ijeh-inem itile keiman nang ho kaseipeh nahuive, mi tamtah lut kigo ding, ahivanga lut thei lou ding ahi. "Ahivangin a-inneipu akipatdoh a kot akha nung le nang ho polama nadin'uva, 'Pakai kot

neihonun,' tia kot nakio tengu le aman, 'Hoilam kon mi nahiukahepoi,' ati ding."

*Hepina Joplouvin Lunghanna  
Asosah Theiye*

2 Thessalonica 2:10-12

Chule amangthah ho chengse chu chonphat louna jousea duha lhep lhah a um ahuive; hichu amahon hubhinga aumna dinguva, ngailutna tutah chu alah lou jeh-u ahi. Chule hichena dinga hi Pathenin amaho chungu chu sukhel lamvaina natoh alhunsah ahi; chutia chu amahon thujou chu atabsan dingu; thutah tahsan louva chonset alunglam hijoho jouse thu kitan ding ahi.

## HICHE LENGPA TOH UMKHOM LOU KEI KOI KAHIM? 37

*Chonset'a Dimset, Themmo  
Kichansah*

**John 3:18**

Ama tahsana chu themmo chang louva ahitai. Atahsan lou vang chu themo changa um ahitai, aman Pathen Chapa chang khat min a atahsan loujeh chun.

**Hebrews 10:26, 27**

Ajeh chu eihon thutah hetna inei nungun, ihenasa le ijanasan chonset bol leu hen, chonset jal'a longlhenna kikheh umta lou ahin; thutanna a kichat umtah ngah jinga chule adouho kahvam gam dingkon lungsatna meikong bou uma ahi.

*Thu Chun Thu Atan*

Koi hijongle eidei louva kathu jong jop lou chu athutan a khat aum nai; kathusei chu hiche chun ni nunung ni leh athu atan ding ahi. — John 12:48

*Kilungset'a Chule Kihol'a*

**1 John 4:9**

Hiche hi Pathen mingailut eihoa akiphonna ahi, ama vanga eiho ihin theina dnguva Pathenin a-Chapa changkhat chu vannoiya ahinsol ahi.

**Thuphon 22:17**

Lhagao le mouvin, "Hungin," ti hen; chule adang chah chan hung hen; ago chanin manbeiyyin hintwi chu kilah hen.

*Satan Toh Gentheina Mun Damun A Tonsot Phat Mangkhoma Chu Angol Ahi, Ajeh Chu Christa Toh Seitheilou Hel Nopsahna Vannoi Laltouna Mun Changkhom Thei Dia Um Ahi*

Labu 53:1a

Mi-ngol'in alungthim sunga "Pathen aumpoi," tin aseie. . .

Luke 11:39, 40

Chuin Pakai chun ajah a, "Tun Pharisee ho nang hon khon le lheng apolam nasil ngim nauvin; ahin nasung lamu vang hu nam a lah le gitlou adimset'e. Vo lungthm beiho, apolam sema chun asung lam jong asem hilou ham?

Matthew 7:26, 27

"Chule koi hijongle kathu hi-cheng hi ja a bol lou chu nellei chung a in sa milung thim beitoi kitekah ding ahi. Chuin go ahung jun, twi ahungsoh-in, hui ahung nungin, chuche in chu ahin nuh tan ahile alhutai; hin alhuh chu nasatah ahi," ati.

Jeremiah 17:11

Twu vatof'in ama tui hilou vatui aop khom banga, Adih louva haona kiboldohpa jong chutobang chu ahi; Ama damlai tah-in ahaohon dalhauvin tin, Chule achaina a chu ama jeng jong mi ngol hiding ahi.



## DAMUN HI PATHEN THILSE NOTNA AHI 39

*Loupina Lengpa Deimo Jouse  
Chetei Na Ding Mun*

**Hebrews 6:8**

Ahin ling phungle ham lingnei  
apendoh vangle hichu panna bei  
ahin, chule sapset anaiyin, akhon-  
na chu meiya govam ahi.

**Matthew 13:41-42**

Mihem Chapan Avantil te sol-  
'in tin chule amahon gamsunga  
konin kisuhmona chengse le ak-  
hang giloute jouse chomkhomun  
tin, lhum sunga aselut dingu ahi;  
hikoma chu ka le hagel um ding  
ahi.

**Thuphon 14:11**

Amaho nat thoh gim meikhu  
chu aimatih chan a kitungdoh

jing jenga ahi; chule chuche sa-  
hem chule alim chu houva chi-  
bai boh a chule koi hile amin  
melchhna kilah chan chu, asun  
ajan a oltih nei louhel ahiuve.

**Philippi 3:18b, 19a**

. . . amaho chu Christa thing-  
pel douva ahiuve; amaho chu a-  
kichainau manthah ahi. . .

*Damun A Kona Ikitheh Dohna  
Diuvin Pathenin Thil Kidang  
Tamtah Abol Nome, Eiho Din  
Damun Chu Akimaitopin Ahi;  
Tonsot Thina Chu Ajoutai, Chule  
Athoudoh Kit In Eihon Hiche  
Galjona Chu Imu Theiyuva Ihin  
Theina Diuvin.*

## 40 LENGHO LENG CHUN AMA DEI DOLA SATAN CHU SONGKHULA AKHUM DING AHI

**Thuphon 20:1-3**

Chuin lei-ong hehna le thih-khao khat choiya Vantil khat van a kona ahung kumlhah kamun ahi. Chuin ama chun dragon gul lui chu, hichu diabol le satan ahin, amanin chuin akanin kum sang khat geiya dingin leionga chun asep lut tan ahi; chule chuche kum sang khat chu alhin kah-sea, namtin mite alhep lhah thei louna dingin akhachah khumin, asinkhana anam khumtan ahi; chujou le chomkhat dinga kilhadoh ding ahi.

**Thuphon 20:7, 10**

Chule kum sang khat chu al-

hin teng le satan chu akihenna a kona kilhadoh a. . . Chule amaho lhem lha a diabol chu mei le kath meika dil sunga chun asep lut tauve; hiche koma chun sahem chule themgao lhem jong chu aumui; chule amaho cheng chun tonsot tonsot geiya asun ajan a thohgim nasatah athoh jing dingu ahi.

**Hebrews 2:14**

Chuti ahijeh chun chapangte ho chu thisan le tahsa chang khom ahijeh-u chun, thinaa thina thu neipa, hichu diabol ahi, a-subpoi theina ding le.

# ATONSOT'A KOI NAJEN DING TUN KIGELIN 41

**Solchahte 26:18**

Amit'u hadohsah dingle mu-  
thim lah-a kona khovah-a, chu-  
le satan thuneina noiya aumuva  
kona Pathen henga akihei theina  
dingule, achonsetnau akisuhbeiya,  
keima eitahsan vanga kisutheng-  
ho lah-a gou ato theina dinguva  
ahenguva kasol ding nahi,' eiti.

**Thuphon 21:8**

"Ahin mi kichase ho, tahsan  
neilouho, thet umho, tolthat te  
ho, jon panho, doi cholho, mi-  
lim houho, chule mijouho jouse  
meile kath meika al leng lung  
jing jeng mei dil'a chu achan  
dingdol cheh chang ding ahiuve;  
hichu thi nina ahi," ati.

**Matthew 6:24**

"Koima Pakai ni soh ahi thei-  
poi; ijeh-inem itile aman khat  
hotbol'in tin khatjoh angailut  
ding ahi, abiloule khat'a hakaiyin  
tin khatjoh anahsahmo ding ahi.  
Nang ho Pathen le sum soh na-  
hikop thei lou dingu ahi.

**John 8:34-36**

Jesun amaho chu adonbut'in,  
"Kaseipeh nahiuve, koi hijongle  
achonse chan chu chonset soh a-  
hi. Chule soh chu a-imatih chanin  
in'a achengjipoi; chapa vang chu  
a-imatih chanin in'ah achengji.  
Hijeh a chu Chapa chun lhadoh  
leu chun ongthol tahbeh ding  
nahiuve.

## 42 KAKENG TO MUH A TWIHING ALONGE

John 4:10

Jesun adonbut'in amanu jah a, "Pathen thilpeh hen lang chule 'Twi don ding neipen,' tia nahenga a thuma chu koi ahi kihetle chunla nangman ama henga nathumjoh ding ahin, chutile aman nangma hinna twi peta dinga," ati.

John 7:37

Chuin kut kichai nin, hichu nipi ni ahin, Jesu adingin hatah-in asamin, "Koi hijongle adangchah a chu kahenga hung hen, hung don hen."

Thuphon 7:17

"Ajuh chu laltouna lailunga um Kelngoinou khu achingu hi ding, chule hin twinah dunga chu apui-

hoile ding ahi; chule Pathenin amit lhi jouseu ateh hul ding ahi," ati.

Thuphon 22:1-3

Chuin ama chun Pathen le kelngoinou laltouna a kon a put hintwi luidung crystal songvala val, khosung lamlen lailunga chu eivetsah tan ahi. Chule luidung chu apang langtoa hinthing keh ahin, aga jat chom chom som le ni ga a, alha seh a ga jing jeng ahi; chule thingna ho chu namtin vaipi boldamna ahi. Chule sapset umta louhel ding ahi. Chule Pathen le Kelngoinou laltouna chu asunga chu um ding ahin, chule asoh ten ama chu ajen ding.

## NA NUSE TAI? LUNGGIL TAH IN HOL'IN! 43

Matthew 6:33

Ahivangin amasatab-in ama gam le chonphatna hol masauvin; chutengle hichengse jong chu nakipeh be dingu ahi.

Thuchih Bu 8:17

Keima eingailute chu kangailun, Lung giltena eihol'an eimudoh teiye.

Luke 11:9

Chule keiman nang ho kaseipeh nahiue, "Thuman kipe ding nahiue, hol'un namu dingu ahi; kiuvun kihonpeh ding nahiue."

Danbu Ni Na 4:29

Amavang hiche gama kona chu nangman Pakai na-Pathen nahol diu chutengle ama chu na-

kimu doh ding, hita chu ama hi nangman nalungthim pumpi le nalhagao pumpia nahola ahileh namutei tei ding ahi.

Hosea 10:12

Nang ding, nang ding cheh-in adih Muchi tun kitusoh keiyuvin lang, Lungset longlou chu aga kilosoh keiyun, Naleiset cheh chu tuchan kaikheh temin, Ajeh chu Pakai ahunga huhhingna Nachunguva gojuh banga ajuh-sahna dinga, Tuphat hi Pakai hol phat tah ahi.

Isaiah 55:6

Mutheiya aumpet'in Pakai chu holin, Nailama aum pet'in ama chu kouvin.

Thuphon 21:9b-11a, 22-24a

Hilama hin hungin; keiman nangma Kelngoinou inneipi ding mou vetsah inge," ati. Chuin ama chun keima Lhagaovin mol sang lentah khat chungah eilhoh touvin Pathen kom van a kona hung kumlha a Pathen loupina nei jerusalem, khopi theng chu eimusah tan ahi. Avahje dan chu khisong man tamtah abangin. . . Chule asunga chun houin kamupoi; Pakai Pathen Hatchungnung chule Kelngoinou chu ahouin ahijeng jeh chun. Chule khopi chun asalvah dinga nisa jong ngaita lou ahi; ajeh chu Pathen loupichun avahsah jeng ahin, chu-

le Kelngoinou chu ameivah hijenga ahi. Chule namtin vaipi avah a chu vah le ding. . .

Thuphon 19:7-9a

Hungun, kipa thanop bol'u hitin, Aloupina vahchoiyuhite; Ajeh chu Kelngoinou chu Ajineina ding aphot ahitai; Aji dingu chu Kigosadema uma ahitai. Chule aji dingu chu Akijepna ding tonjih ponbang Ngimsel val lai kipea ahitai; Hiche tonjih ponnem chu mitheng ho chonphatna ahi," ati. Chuin ama chun kajah a, "Kelngoinou ji Kipuina golvahna a kikouho chu anun nom ahive, tin sunin," eiti.

*Anoia Kunthem*

. . . Pathenah kipeuvin, nati-  
bah chengseu jong chu, chon-  
phatna manchah in Pathenah pe-  
doh jouvin. — Rome 6:13b

*Jineipa Chu Alungset Ding*

I-Pakaiyu Jesu Christa kem-  
thei louva ngailuho chengse chu  
lungsetna in umpihen.  
— Ephesus 6:24

*Amatoh Khat Hi*

Ajeh chu eiho ama tibah ihi-  
uve. — Ephesus 5:30

. . . vanoi losoh kemtheiya  
kona chu nahoidoh uva Pathen  
nun le khan chankhompì nahi-  
na dingua ahi. — 2 Peter 1:4b

*Athengpa Lungsetna A Dimset*

Ama thu nit vang chu asunga  
Pathen ngailutna tah tah a cham-  
kima ahitai . . . — 1 John 2:5a

*Maha Beihel*

Hijeh chun sopi ngaite ho,  
hicheng chu kat jinga nang ho  
ama ang a boh beh louhel le nol-  
na beihel'a lung monga nakimu  
doh theina dingun kihabol'un.  
— 2 Peter 3:14

*Ngailutna Bukim Tah Nei Ding*

. . . Jesu Christa ahung kilah  
tengle nachunguva lungsetna kil-  
hut ding ahin, hiche lungsetna a  
chun nakinep nau chu ngai cham-  
kimum. — 1 Peter 1:3b

## 46 LEISET LOSOH GAL CHU LENGPA'N ASUMANGE

Thupon 17:14a

Amaho chu Kelngoinou chutoh kikat ding ahivu; hintin Kelngoinou chun amaho chu ajo ding. . .

Thupon 18:21

Chujouvin Vantil hat chungnung tah khat'in sumhei lseh lseh song lentah khat adomin, twikhanglenah asep lhan, "Hiche banga hi Babylon khopi chungnung chu hasea kisp lha ding ahi; khonung le itih chan hijongle kimu kit ta louhel ding ahi.

Zechariah 14:12

Chule Pakaiyin Jerusalem khopi sat'a galbol mitin vaipi asuhgamna ding hise alha ding chu hiche hi hung hiding ahi: amaho

chu akengphang te niuva adinpet jenguva jong atahsau mon jeng ding, amitchang te niu jong amitko sunguva monden ding, akamsunguva aleigui geiyuva jong monden ding ahiye.

2 Thessalonica 2:8

Chule hiche teng chule dan sussea chu hung kiphongdoh ding ahi; ahinla Pakai Jesun akam hua ama chu athaa chule ama hung kilah a chu asuhmang ding ahi.

1 Corinth 15:24

Chujoutah chule kichai ding ahi; chutengle Aman vaipoh, thuneina, thahatna, jouse asuhmang sohkeiya, Pa Pathen khut'a gam apedoh ding ahi.



## **LEISET CHUNGA KUM 1,000 KICHEN NOPSAHNA 47**

**Matthew 6:10**

Nagam hung lhung hen. Vana nalungchan akim bangin leiya jong nalung chan kimhen.

**Matthew 5:5**

Mi lung nengte ho anun nom ahiuve; ijeh-inem itile amahon leiset alo ding u ahi.

**Thuphon 11:15b**

. . . "Vannoi gamvaipoh hi I-Pakaiyu le a-Christa a ahitai; Chule aman atonsot atonsot geiya Vai apoh ding ahi," atiuve.

**Thuphon 5:9b, 10**

. . . "Ajeh chu nangma kit-hat tasa nahi. Phungtin le chit-in namtina mi, Paotin paotanga mi, gam vaipi nam jousea mi Pa-

thena dinga nangman nathisana nachohdoh ahitai. Pathen dinga amaho chu Gamsung mi le them-pua napansah ahitai; Chutia chu amaho chun Vannoi leiset chung a vai apoh ding ahi," atiuvin ahi.

**Thuphon 20: 4b**

. . . amaho chu ahinga ahitauve, chule kum sang khat Christa toh vai apo khomui.

**Thuphon 20:6**

Koi hile hiche thokit masa changkha chu mi nun nom le a-theng ahi; amaho chung a chu thi chun thu aneilou ahitai; ahin amaho chu Pathen le Christa thempu hiuva amatoh kum sang khat vai apoh ding u ahi.

## 48 TONSOT'A JINEIPA CHUTOH HINKHOM

Labu 145:1

Nang choian inge ka-Pathen kalengpa, Tonsot tonsot'in namin choian inge.

1 Thessalonica 4:16c, 17

. . . chule Christa a thisaho chengse thoudoh ding ahiuve; chujou le eiho ahingnalai amoh chengse hi amaho chengse chutoh vanlajola Pakai lamto dinga mei konga toltouva ium khom dingu; chule chutia chu aimatihchana Pakaitoh iumkhom jing dingu ahi.

Thuphon 21:3b, 4

. . . "Veugin, Pathen chenna chu mihem lah ahung hitai, chule ama amahotoh cheng khom

ding; amaho chu ama mite hi ding ahiuve; chule Pathen amatah mongin aumpi dingu chule aPathenu hi ding ahi; chule amit chenguva amit lhi chengseu ateh ngim ding; chule chule thina umta louhel ding; chule lhasetna le kana chule nat thohgim umta lou ahi; thil masa ho chengse chu kitol mangsoh ahitai," ati.

Thuphon 22:5

Chule jan umta louhel ding ahi; chule amahon thaomei vah le nisa vah ngaita louhel ahiuve; Pakai Pathenin amaho asalvah ding ahijeh chun; chule amaho chun atonsot atonsot geiya vai apoh dingu ahi.

## **CHRISTA'N ASEIYE:**

**“Keiman kajoa ka-Pa koma laltouna a katou banga hi ajouva chu kakoma kalaltouna a katousah ding ahi,” ati. —Thuphon 3:21**

**Christa ah keima Alen ding chun Eikiseme!  
Abukim chun Eikouve, Chule Keima Chetei ding,  
Galjona Mun Geiya**



**O, eilungset Lhandampun eivetsah lungsetna lentah chu,  
Jachatna umtah a thing a chu thia,  
Aleng-mol le alaltouna hoitah ahin dalhan,  
Chonse keitobang khat huhdohna din. - I. N. McHose**

**Pakai vahchoiyun, Ama hi athengin adih-e,  
Pakai vahchoiyun, leiset a kisem keima eingailui;  
Pakai vahchoiyun, KEN AMA KAJEN TEI DING!  
Pakai vahchoiyun, Pakai vahchoiyun! PAKAI VAHCHOIYUN!**

**—Watson Goodman**

Text has been reprinted from the Bible in Kuki by permission of the Bible Society of India.

---

For more information or to request a free Bible study, please write to:

**WMP**  
**India Bible Literature**  
**67 Beracah Road**  
**Kilpauk, Chennai 600 010**